

JO: BAPTISTÆ NÆVII

VICENTINI

CLERICORUM REGULARIUM PRESBYTERI

De optima philosophandi ratione

O R A T I O

*Habita in Collegio Imperiali Nobilium**RR. PP. Theatinorum*Ab Imp. Cæsare CAROLO VI, Hispaniarum,
& Siciliæ Rege

PANORMI INSTITUTO

A D

FERDINANDUM

MARIAM THOMASIUM

*Lampadusæ Principem, Palmæ Ducem, &c.**Hispaniarum Magnatem.*

ROMÆ, MDCCXXXII

Ex Typographia Joannis Baptistæ Salvioni.

Superiorum Licentia.

THE
JOURNAL
OF
THE
ROYAL ANTHROPOLOGICAL INSTITUTE
OF GREAT BRITAIN AND IRELAND
VOLUME 10
PART 1
1880
LONDON
PUBLISHED BY THE INSTITUTE
21, BEDFORD SQUARE, W.C.
1880

ILL.^{mo}, ATQUE EXCELL.^{mo} VIRO
FERDINANDO

MARIÆ THOMASIO

Lampadulæ Principi, Palmæ Duci, &c.
 Hispaniarum Magnati.

JO: BAPTISTA NÆVIUS CLER.REG. S.P.D:

BI Theatinorum Ordinem in-
 gressus sum, atque ea, quæ
U JOSEPHUS THOMASIVS
 paucis ante annis e vivis su-
 blatus Sanctissime gesserat,
 quæque copiosissime de rebus al-
 iissimis, atque ornatissime scripserat, ex in-
 teruallo commemorari audiui, ipsumque, non
 tam quod clarissimo Genere, quam quod opti-
 mis Christianæ pietatis exemplis ornatissimo

A 2

na.

natus fuerit , ut optimum , ac sanctissimum
 cōmendari ; statim omni observantiæ officio erga
 Nobilissimā **THOMASIORUM** Familiam
 ita obstringi me sensi , ut vel hoc uno Ur-
 bem hanc , imo Siciliam universam beatissi-
 mam prædicarem , quod non hominibus modo
 pietate præstantibus , sed familiis etiam , quæ
 sanctitas , ut ita dicam , patrimonium esset
 omnium uberrimum , jure gloriari possit. Quo-
 circa ubi Nobilissimorum Adolescentium in
 Philosophia instituendorum causa in Siciliam
 trajeci , summopere gavisus sum , quum mul-
 tis de causis , tum vero ob eam maxime ,
 quod **CARDINALEM THOMASIVM** hic
 natum , & complures annos versatum esse co-
 gitabam ; usu siquidem evenit , ut acrius , &
 attentius de summis viris , locorum admoni-
 tu , cogitemus , quam si quando eorum ipso-
 rum , aut facta audiamus , aut scripta lega-
 mus . Itaque nihil præterea jam mihi optan-
 dum superât , nisi ut hujusmodi animi mei sen-
 sum , atque eam voluptatem , quam inde ce-
 peram , Siculis omnibus , Tibique præsertim ,
PRINCEPS amplissime , manifestarem ; quo
 fieret , ut & iidem , quæ de Cive optimo ,
 & ornatissimo , & Tu ipse , quæ de Patruo
 præclarissimo apud exterarum gentes honorifice ,
 & gra-

& graviter prædicantur; etiam atque etiam
 cognosceretis. Id ut præstarem, non opportu-
 ne modo; sed etiam cum celebritate, in cla-
 rissimorum nimirum Virorum primarii in hac
 regia Urbe Ordinis frequentia, occasionem
 præbuit nuper a me habita Oratio; De opti-
 ma philosophandi ratione; quandoquidem
 nullam aliam meliorem, aut magis aptam Vi-
 rum summum laudandi opportunitatem nan-
 cisci poteram, quam, quum iis de rebus ver-
 ba facerem, in quibus THOMASIVS quan-
 topere excelluerit, quam acute, & subtiliter
 senserit, quam apte, accurateque scripserit
 (etsi non ex instituto) nemo, qui eius scripta
 legerit, non novit. Verum quod pro meo in
 Siculos officio, ac studio satis esse videbatur,
 pro observantia tamen erga Te mea, tuaque
 cum Cardinali amplissima natura necessitudi-
 ne, quæ summa est, haud satis esse putavi;
 nisi banc ipsam Orationem Tibi inscriberem;
 id quod libentissime facio; haud dubitans,
 quin pro singulari tua humanitate, ac pro
 sincerissima, quæ Theatinorum Ordinem pro-
 sequeris, benevolentia, munus hocce, quale-
 quumque est (quod certe parvum est, &
 exile) benigne, & comiter sis accepturus.
 Vehementer scilicet amas nos, atque nostra,
 apud

apud quos magnū est, memorabile, ac per quam
 honorificum **THOMASIORUM** nomen, ob
 singularem, quum pietatis, tum doctrinæ lau-
 dem, qua **CAROLUS** Patruus tuus major,
 & **JOSEPHUS** magnus Patruus Clerico-
 rum Regularium Congregationem illustrarunt;
 quibus, quam proximus sis, non modo san-
 guinis conjunctione, verum etiam pietate, ac
 morum honestate, libenter exponerem, si per
 Te mihi liceret, cujus tanta est animi mode-
 ratio, ut vel domesticas ipsas præclarissimo-
 rum Majorum laudes (quid tuas dixerim?)
 vix, ac nonnisi cum ingenua quadam vere-
 cundia, pudorisque significatione, audire pos-
 sis. Quamobrem ne Tibi molestus videar, id
 tantum significabo, quod æqui, bonique facias,
 velim; nimirum ea præsertim de causa Ora-
 tiunculam hanc in tuo nomine apparere voluis-
 se me, ut posthac compertum habeas, honestio-
 res Artes, atque adeo severiores Disciplinas;
 quæ in hac amplissima Domo, in qua, & Si-
 cula Nobilitatis flos, & spes maxima Sici-
 liæ residet, traduntur, **JOSEPHI CARDI-**
NALIS THOMASH institutionibus niti,
 ut Domus ipsa eius opè nititur, præsidioque
 firmissimo. Vale.

ORA-

ORATIO.

QUÆ ad bene , beateque
vivendum subsidia veteres
sapientes excogitarunt, N.
N. ea quatuor præceptis
fuerunt comprehensa , ni-
mirum, *Tempori parere,*
Et sequi Deum , Et se noscere, Et nihil
nimis (a); quibus ut in secundis rebus mo-
derationem , in adversis fortitudinem , at-
que constantiam , in supremum Numen
pietatem ; cupiditatum coercionem ; vir-
tutum denique omnium ornamenta iidem
complexi sunt ; ita quo potissimum duce
adhuc omnia sibi comparanda hominibus
sit utendum , Philosophia nimirum , haud
obscurè significarunt . Et quidem , *si tales*
nos natura genuisset ; inquit Tullius (b) ;
ut eam ipsam intueri , Et perspicere , et ea-
demque optima duce , cæsum vitæ conficere
possemus , haud erat sane , quod quisquam
rationem , aut doctrinam requireret . Ve-
rum quia exigua duntaxat virtutum semi-
na animis nostris inseruit , ne ea pravis mo-
ribus , & nimia errorum , quibus ob sum-
mam opinionum perversitatem obnoxii su-
mus , multitudine obruerentur ; disciplina
aliqua profecto fuit inveniendæ , quæ illa
tueretur , foveretque , ut paulatim adole-
scentia nos ad vitæ honestum finem , ad
quem

(a)
Cicero de fin.
lib. 3. in fine

(b)
Tuscul. 3.

quem propensos natura formavit, per-
ducerent. Ex quo sane intelligere possumus
quanti Philosophiæ studium optimo
cuique faciendum sit; si enim ex cujusque
disciplinæ materia, ratione, ac fine ejus di-
gnitas, atque utilitas est æstimanda, ea
profecto facultas ceteris omnibus, & stu-
diis, & artibus antecedit, quæ aptam ratio-
ne bene utendi viam pandit, quæ supremi
Numinis notitiam nostris mentibus ingerit,
quantaque ei gratia debeatur, ostendit,
quæ denique ad justitiam colendam, ad
tuendas amicitias, & reliquas caritates ani-
mum ita comparat, ut naturæ dux, vita-
que magistra jure optimo dici possit. Ita-
que mirandum non est, si il, qui Philoso-
phiæ quovis tempore coluerunt, adeo
quum æquitatis, tum officii, ac pudoris, &
moderationis amore, quæ nos virtutes Dei
immortalis efficiunt quam simillimos, capti
sunt, ut non semel efferatæ, barbaræque
nationes, non modo omni immanitate de-
posita, humanitatem, morumque discipli-
nam nosse, & colere cœperint, verum
etiam præstantissimis, & ingenio, & animi
magnitudine viris brevi floruerint. At quor-
sum in Philosophia laudibus exornanda;
quæ jam cuique notissimæ sunt, tandiu im-
morari? Neque enim is ego sum, qui pro
rei dignitate, atque amplitudine omnia ejus
ornamenta recensere valeam, & id adeo
exploratum est, ut pluribus persequi velle,
ina-

inane omnino esse videatur ! Satius est igitur quoniam Philosophiæ studia, quæ nunc primum in hoc scientiarum, atque optimarum partium Domicilio inchoantur, moderandi provincia mihi demandata est, de universa huic disciplinæ operam præstandi ratione differere; id enim consilii capiendum mihi censui, quum non alia de causâ constet vos huc convenisse, nisi ut, quæ sit optima philosophandi ratio nobili, atque ingenuo Adolescenti conveniens, quamque viam ipse insistere, quave uti methodo, statuerim, cognosceretis.

Sæpe attente mecum reputanti quid sit, cur in tanta Philosophorum copia adeo pauci fuerint, qui veritatem recte inquirere noverint, paucissimi, qui eandem invenire potuerint, occurrit tum nimia, qua veteres semper in scholis polluerunt, auctoritas, tum obfirmata illa per tot sæcula, perstans, & increbrescens opinio, certos huic scientiæ fines a veteribus constitutos esse, ut aliquam iisdem accessionem fieri posse nobis omnino foret desperandum. Hinc scilicet factum est, ut quamplures acutissimi, atque acerrimi ingenii viri, qui ad Philosophiæ studium quovis tempore se contulerunt, non quid de unaquaque re ratio suaderet, sed quid ab eo, quem initio sectari decreverant, statutum fuerit, investi-

B

gan-

gantes, non modo opiniones, quæ falsa-
 esse poterant, temere ratas habuerint,
 sed etiam metam humanis viribus defi-
 nitam se attigisse crediderint, si illos fue-
 rint assequuti. Ex hac antecepta animo
 informatione quantum detrimenti cepe-
 rit Philosophia; hæud satis dixerim; ete-
 nim quum ceteræ artes, & scientiæ ma-
 gis in dies expolirentur, novisque auge-
 rentur incrementis; atque adeo recentio-
 res aliæ, quæ veteres latuerunt, passim
 in lucem prodirent, Philosophiæ solum
 adeo male consultum fuit, ut ne sæculo-
 rum quidem viginti spatio quicquā pro-
 fecerit, &, quod gravius est, sterilior
 quotidie, atque implicatior apparuerit,
 Neque enim id temporis vitio cun-
 ctæ evertentis, & deformantis vertendum
 crediderim; quandoquidem, ut optime
 monet Vir quidam clarissimus, ac de
 Philosophia optime meritus, tantum
 abest, ut artibus, & scientiis tempus ali-
 quid afferat detrimenti, ut etiam eas de-
 beat maxime promovere. (c) Quum enim,
 inquit, multis per omnium sæculorum
 seriem eandem artem, seu scientiam ex-
 colentibus, præcedentium inventis ali-
 quid de sua quisque industria adiciat,
 novumque lumen afferat; ea ars, seu
 scientia magnam sibi faciat accessionem,
 Et in dies perficiatur, necesse est. Id quod
 statim disciplinarum, atque optimarum

(c)
 Jacobus Ro-
 baltius in præ-
 fatione ad
 Physicam.

artium omnium inductione confirmat.
 Causa itaq; retardati Philosophiæ pro-
 gressus alia esse nequit, quam nimia an-
 tiquorum veneratio, a quorum semitis
 recedere sine piaculo nullus posse existi-
 mabatur. Quocirca qui in veritatis in-
 vestigatione alienum sequuntur judi-
 cium, cum iis mihi conferendi videntur,
 qui quum suis ipsi oculis incedere pos-
 sint, sponte sua sese lucis usura orbant,
 atque aliorum oculis ad progrediendum
 uti malunt. Siquidem id est menti judi-
 cium, quod oculus corpori; quemad-
 modum igitur si quis oculos clauderet,
 aut sibi effoderet, ut ab alio duceretur,
 non solum re ipsa nihil videret, sed si-
 bilis, & cachinnis tanquam demens ex-
 ciperetur, ita qui, abdicato mentis usu,
 jurat, ut vulgo dici solet, in verba
 alicujus Auctoris, quicumque ille sit,
 ejusque judicio omnino sese subicit, (d)
 nihil revera intelligere, aut judicare con-
 sendus est, proindeque jure, & merito de-
 ridendus.

Huic perniciosæ anticipationi occa-
 sionem præbuit, aut ego fallor; malefe-
 riatorum quorundam, qui sibi docti vi-
 debantur, petulantia, qui quum ob in-
 genii tenuitatem nihil de suo deprom-
 ere possent, toti erant in aliorum
 voluminibus evolvendis; ex quibus quæ
 sparsim, & sine ullo ordine decerpserant,

(d)

Quum sape-
 re, id est veri-
 tatem quære-
 re, omnibus
 sit innatum,
 sapiëntiam si-
 bi adimunt,
 qui sine ullo
 judicio invē-
 ta majorum
 probant, &
 ab aliis pecu-
 dæ more du-
 cuntur. La-
 fant. lib. 2.
 Divinarum
 Infit. cap. 8.

B 2

me-

memoriæ mandantes, passim in otiosorum hominum cœtibus, eruditorum nomen apud indoctos affectantes, effundebant. Hac falsa eruditionis specie decepti, quamplures, juniores præcipue, quum aliorum dictis acquiescere, nihilque moliri minus operosum sit, optime secum actum existimarunt, si veterum inventis, & eorum præcipue, quorum nomen in omnium ore versaretur, contenti, in iis duntaxat assequendis omne studium, diligentiamque adhiberent. Dum hæc Philosophandi ratio invaluit, eo usque retardatus est scientiæ naturalis progressus; ut jam sapientioribus fere omnibus studia philosophica sorderent, quippe quæ viderentur ferme inutilia, & ex usu magis, quam ex utilitate aliqua, quæ inde capi posset, excolenda.

Ubi vero præstantissimi viri proximi sæculi tempore fere medio exorti sũt, qui veterum philosophantium jugum excutere, suumque judicium ad res omnes afferre statuerunt, ut nihil, quod ipsis non optime probaretur, quodve per se evidens, & perspicuum minime esset, confirmarent; tum Philosophia, quæ ad ea usque tempora misere jacherat, erecta quodammodo, & recreata consistere, novaque luce exornari, ipsique incrementum in dies majus afferri, cœpit.

Quod ad nostrum igitur institutum
spe-

13
spectat, id nobis primo præstandum, ut
rejectis omnibus anteceptis opinionibus,
nostro, non aliorum judicio, utamur in
veritatis inquisitione. Etenim quum sit
mētis naturale quoddam quasi pabulum
consideratio, contemplatioque naturæ,
indagatio ipsa rerum, tam earum, quæ
sub aspectum cadunt, quam quæ per
mentem a sensuum consuetudine abdu-
ctam, cognoscuntur, tantam habet ob-
lectationem, ut si veritatem investigan-
ti, non dicam veritas ipsa, sed aliqua si-
militudo veri occurrat, humanissima
compleatur animus voluptate.

At quum non omnia, quæ in Philo-
sophiam irrepsert, absurda ex eo ma-
narint, quod aliorum, & veterum præ-
cipue auctoritati plus æquo tributum
fuerit; sed maxime ex opinionibus a sen-
suum in animum impressione facta pro-
gnatis, atque ex inconsiderata de rebus
ignotis, vel non satis exploratis senten-
tia; hinc utrique incommodo omni cū-
ra, cogitationeque consulendum est. Et
primo quidem, quum omnibus iis opi-
nionibus, quas sensibus hausimus, men-
tem statim exuere, easdemque ab iis, quæ
a clavis, distinctisque notionibus ortum
habuerunt, secernere, per quam difficile
sit; ne sub veritatis specie fallitate capia-
mur, Philosophiæ studium a dubitatio-
ne incipiendum statuimus. Omnia igitur

naturalia, quæ hucusque, ut vera, ratæ habuimus, sine discrimine in dubium initio revocabimus, & nostrum assensum tandiu continebimus, quoad certa ab incertis, perspicua ab obscuris diligentissime distincta fuerint.

Non deerunt, qui nostram hanc philosophandi rationem minus probent; erunt etiam, qui nos in suspicionem violatæ Religionis vocent, perinde ac si de Dei existentia, nec non de animorum nostrorum immortalitate, aliisque ad prædictam Religionem pertinentibus re ipsa, quod Deus avertat, dubitemus; quibus satis esse deberent ea, quæ Cajus Cotta apud Tullium (e) Lucilio Balbo, a quo diu, multumque fuerat lacepsitus, ut suam de Deorum natura opinionem probaret, respondisse fertur. Liceat igitur mihi ejus verbis uti parumper immutatis, & ad nostram causam accommodatis: *Ego vero ea, quæ Romana Religio præcipit tenenda de supremi Numinis natura, deque reliquis ejusdem Religionis decretis, defendam semper, semperque defendi; nec me ex ea opinione, quam a majoribus accepi, ullius unquam oratio, aut docti, aut indocti movebit: sed quum de Religione agitur, divinas Literas imprimis, sacram traditionem, sacra Concilia, sanctos denique Patres & præsertim Augustinum, &*

Tho-

(e)
Lib. 3. De
nat. Deorum.

Thomam, non Zenonem, aut Cleantem, aut Chrysippum, non Aristotelem, Gasendum, Cartesium, Nevvtonum sequor Quare si quod est divinum mysterium, aut Religionis decretum, quod naturali ratione firmari possit, a Philosophis rationem accipere debeo; majoribus autem nostris, etiam nulla ratione reddita, credere.

Nihilominus ut vitiligatorum os penitus obstruamus, quid philosophicæ dubitationis nostræ nomine intelligi debeat, exponamus. Plures enim esse possunt dubitandi modi, nimirum potest quis dubitare ex vitiositate, atque ex prava animi indole, ut solent Athei; aut ex morositate quadam, ut Academici; vel denique ex diffidentia, quam sui ipsius mens habet, quod propria infirmitatis conscia, ne in errorem incaute dilabatur, assensum cohibet, & initio, ut certa ab incertis, perspicua ab obscuris secernat, de omnibus dubitat, sive ita est affecta, ac si reipsa de omnibus dubitaret. Id ipsum Geometræ dici possent præstare, qui theoremata alias certissima non semel in dubium vertere solent, atque adeo ut falsa ponere, ut argumentis ea demonstrent. Quid quod agricolarum quoque mos est, ut triticum palea exolvant, utrumque in auras projicere, ut palea vento alio impulsâ, expurgatum triticum col-

colligant? Quemadmodum igitur triticum revera projicere non censetur agricola; ita nos qui in philosophiæ limine de omnibus dubitamus, non omnia rejicere, improbaretque judicandi sumus; potissimum vero, quæ ad Religionem revocantur, aut ad illius præsidium quocummodo facere possunt. Quare quid nostram inter, & Academicorum dubitationem intersit, perspicuum est; illi enim ita dubitabant, ut nullum unquam dubitandi finem facerent; nos vero tandiu dubitamus, donec veritatis regulam, quæ in perspicuis, distinctisque mentis notionibus a nobis collocatur, animo tenuerimus. Qua quidem in re Platoni morem gerimus, qui, Tullio teste, (f) *Omne judicium veritatis, veritatemque ipsam abductam ab opinionibus, & a sensibus, cogitationis ipsius, & mentis esse voluit.*

(f)
Lib. 2. Acad.

Ad judicii vero præcipitem celeritatem quod attinet, duo vitia hac in re vitanda monet idem Tullius: (g) *Unum, ne incognita pro cognitis habeamus, hisque temere assentiamus. Alterum est vitium, quod quidam nimis magnum studium, multamque operam in res obscuras, atque difficiles conferunt, easdemque non necessarias. Quorum primum (quod sane quum in liberalibus disciplinis, tum in vita, & societate com-*
mu-

(g)
De officiis
lib. 2.

muni, gravissimorum errorum caput,
 & origo est) ut effugiamus, *adhibebimus*
ad considerandas res, Et tempus, Et di-
ligentiam (b). Quumque nihil melius
 inconsiderata de qualibet re sententiam
 ferendi proclivitati mederi possit, quam
 longa, & circumspecta cunctatio; assen-
 sum nostrum tandiu suspendendum exi-
 stimamus, quoad perfectam quæstionis,
 de qua agitur, notitiam sumus assequuti.
 Neque enim ædepol ii sumus, qui, ut
 quidam credere solent, quum nostrum
 iudicium, ubi res ipsa per se minime per-
 spicta est, apponimus, uti non semel,
 maxime in Physicis, usuvenit, veritatem
 jam tenuisse nos putemus, eidemque fir-
 missime assentiamus. Illa enim, de qui-
 bus in utramque partem disputari potest,
 talibus fere non nituntur fundamentis,
 ut citra omne errandi periculum certissi-
 mum, absolutumque iudicium de iis fer-
 re possimus. Quinimo indignum prorsus
 sincero, candidoque Philosopho existi-
 mamus, alicui sententiæ, de qua adhuc
 ambigatur ita se addicere, ut omni du-
 bitatione semota, constanter aliquis sibi
 persuadeat, eam duntaxat opinionem
 veram esse, quam probat; id quod tam
 est ab amore veritatis alienum, ut
 non ulla res magis omnem aditum obse-
 ret ad veritatem. Quamobrem permi-
 rum mihi videtur viros probos, ac pios

C

in

(i) in id vitium incurrere posse; hinc quippe (i) jurgia, hinc partium studium, & contumelia, quod intolerabilius est; contumelia, tum iracundia, contentionem, concertationesque; in disputando pertinaces, indigne mihi Philosophia videri solent. Cicero lib. 1. De finibus.

(1) Alterum ab ipsa eadem origine emanans vitium. Id est, uti montium, in rebus obscuris, & difficilibus, iisdemque minime necessariis tempus contumere; quod certo sine piaculo fieri non posse affirmat insignis Theologus Johannes Mabillonius in suo *de Studiis Monasticis libro (1)*; in cujus de hac re sententiam pedibus iit. Josephus Thomasi nostri Ordinis, ac regiae Urbis hujus ornamentum, Sanctae Romanae Ecclesiae Cardinalis amplissimus, qua generis nobilitate, qua vitae integritate, ac in severioribus disciplinis singulari eruditione magnus imprimis, ac nobilis; qui miserum temporis damnum in tot *ratiunculis*, (m) (utor ejus verbis) *pugnisque verborum*, in tot *contortulis*, & minutis *conclusionunculis*, in tot *spinis* differendi, partiendi, atque definiendi, juxta praecepta differendi, quae & Aristoteles plurimae tradidit, & postea qui Dialectici dicuntur spinosiora multa pepererunt, valde conquestus est; suamque in hisce inutilibus

(m) In praefatione ad Indiculum Institutionum Theologicarum Veterum PP. Roma typis editum anno 1701. Tū l'Anormi, 1723. Postremo ige-

bus studiis exactam adolescentiam adeo
dolebat, ut in Epistola ad eundem Ma-
billonium data (n) ingenue fatetur, se
quondam dixisse *Eminentissimo Cardi-*
nali de Aguirre, si repuerasceres, alio
se prorsus modo sua studia institutura:
ipsique optimum Cardinalem respondis-
se: se quoque rem menti illius consumi-
lem facturum.

Hinc conjici potest, utrum jure
nobis succenseant, qui *litigiosas illas*
disputationes, & ericas (o) (ita enim
appellat Thomasius) quibus referti sunt
Scholasticorum Commentarii, conantur
defendere Religionis specie, existiman-
tes Theologiam, illis procul ablegatis,
sartam testam minime servari posse. Er-
gone Vir sanctissimus, deque sacris li-
teris optime meritis, atque summorum
omnium nostri ævi Theologorum judi-
cio probatus, sacra Theologiæ, ne di-
cam Religioni ipsi, minus consuluisse vi-
debitur, quod eas non inanes solum,
verum etiam perniciosas, pronuntiaverit?
Ue enim vera sapientia (en ejus verba)
non tam in verbis, quam in rerum in-
telligentia, & contemplatione sita est,
ita sedatum, serenumque animam, ceu
purgatum oculum, nec contentionum
summo obtenebratum postulat. Hoc nam-
que modo blandius sese ingerit veritas,
tenaciusque adhaerescit, ad intimas us-

C 2

que

vum Panor-
mi appositus
est Libro, cui
titulus Syno-
psis Theologiæ
voterum P. P.
quem Librum
recens absol-
vit, ac publi-
ci juris fecit
eximius Theo-
logus Jacobus
Gravina Cle-
ricus Reg. au-
no 1727. 32.

(n)

Epistola hac
extat in capi-
te Indiculi.
de quo supra.

(o)

In pref. ad
Indiculu post
initium.

*que medullas pervadit; totamque ad se
vocat aciem mentis; secus ac accidit IN
LITIGIOSIS DISPUTATIONIBUS,
ET TRICIS.* Et non ita multo post, ubi
ostendit Theologiæ studium in Patrum
lectione, & intelligentia potissimum com-
prehensum esse, rationem affert; cur
Sanctis Patribus a Scholasticis nihil tri-
buatur, præter nudam, ut ipse ait (p),
reverentiam exhibitam e longinquo;
tam nimirum, quod aliusmodi sit stylus
Patrum, ac Scholasticorum, ille pla-
nus aptatus ad omnes; hic *SUBTILI-
TATIBUS, ACUMINIBUS, AC TRI-
CIS REFERTUS.* (q)

(p)
In epist. ad
Mabill.

(q)
In præf. n. 2.

(r)
Ibidem post
initium.

Pergit inde ostendere, omnia hæc, quæ
in sacram Theologiam irreperunt, vitia
non aliunde originem duxisse, quam ex
Peripatetica Philosophia, atque ex ne-
glecta Platonica philosophandi ratione;
quam post Socratem, Platonem, Cice-
ronem, (r) *totumque Philosophorum ca-
tum tam Græcorum; tum Latinorum;*
sequuti sunt veteres, ut ipse ostendit;
sacrarum doctrinarum Patres, quamque
Recentiores Philosophi tot jam sæculis
jacentem, &, ut ita dicam, oblivione
plane obrutam, & sepultam, iterum ex-
citarunt, atque illustrarunt: Porro, in-
quit, *quum impræsentiarum jaceant
instituta Platonica, & Aristotelem can-
ta resonant gymnasia; quid mirum, si
mi-*

*minus intelligantur quandoque Patres ;
 si, quæ illi didicerunt , plerique omnes
 ignorant ? (f) Inde hæc subjicit : Ob
 eam causam multo præstaret adolescen-
 tibus aggressuris suo tempore solide
 Theologiæ studia , primis lineamentis ,
 ac rudimentis Philosophiæ Platoniciæ in-
 formare animos . Hæc Thomasius : qui
 sane quamvis rationem nullam afferret ,
 ut de Platone ait Cicero (t) , ob pecu-
 liares tamen causæ hujus rationes , ipsa
 auctoritate me frangeret . Philosophiam
 igitur nostram , & præcipue Dialecticam ,
 & Metaphysicas disputationes , exsecris
 omnibus inutilibus quæstiunculis , ad
 Platoniciam scholam fingemus pro nostris
 viribus , atque conformabimus ; in id
 potissimum incumbentes , ut res , non
 verba sectemur ; atque ubi de vocibus
 agendum est , ut rebus ipsis verba quam
 simplicissima , & perspicua potius accom-
 modemus , quam ad ancipitem inaniura
 verborum significationem res ipsas con-
 torqueamus .*

(f)
Ibidem n. 3.

(t)
Tusc. l.

Non dubito ab hac philosophandi
 ratione, quæ a Thomasio tantopere com-
 mendatur , nonnullos percussum iri, eos
 præsertim , qui

*... turpe putant parere minoribus,
 & quæ
 Imberbes didicere , senes perdenda
 fateri.*

C 3

Sed

Sed quicquid hi obloquantur, haud male mecum actum putabo, Auditores, si auctoritatem, officium, patrocinium, judicium denique vestrum, quod a me plurimi fit, hujus causæ, quæ mihi vobiscum communis est, accessisse compere-ro. Quamobrem si vos totius Siciliæ, si vestræ hujus nobilissimæ Urbis, quæ florentissimi Regni caput est, si præclarissimi Ordinis vestri dignitas, & amplitudo movet, ut certe movere debet, Thomasium vestrum, atque ab eo laudatam studiorum viam, & rationem ab obtrectatorum conviciis vindicæte, rogo, quæsoque, ejusque assèclas fovete, ac pro viribus tuemini. Quid enim a Generis, Nominisque vestri gloria tam abhorrens, quam insignem pietate, ac doctrina Virum civem vestrum, cujus nomen per orbem longe, lateque pervadet, & magis semper increbrescens proferetur, qui exteris etiam nationes ad sui admirationem pertraxit, a vobis despici, quibuscum communem obtinuit Patriam, inter quos adolescentiam egit, quos morum probitate, quos vitæ innocentia, quos multorum scriptorum genere, & sacræ purpuræ amplissima dignitate decoravit; quos tandem e Cælo præsidio optimo complectitur, & communit?

At de universæ Philosophiæ ratione satis jam hæcenus dictum sit. Reliquum est

est, ut de singulis ejus partibus nonnulla breviter in hac Oratione attingamus. Atque ut a Logica, quæ ordine prima est, & ceteris omnibus præmitti solet, incipiamus; quum ejus præcipuum munus sit mentem ad veritatis inquisitionem instruere, ac recte deducere; ad quod sane nihil conferunt tot vocabulorum divisiones, tot regularum coactiones, quibus veteres Dialectici eam infarferunt, ab ea Dialectica, quæ communiter tradi solet, nostram omnino diversam accipietis. Quocirca illam, non ut artem loquendi philosophicis vocibus, aut inanibus subtilitatibus incautos capiendi, sed ut artem inveniendi veri, & simul errores, in quos ipsi incideremus, aut ab aliis conjiceremur, cavendi, proponere statuimus.

Logicam excipiet ea Philosophiæ pars, quæ, ut est totius veluti disciplinæ radix, & fundamentum, ab Aristotele (u) *Prima Philosophia* appellata fuit, nunc autem *Metaphysica* vulgo dicitur. In ea, quum Dei, tum animorum nostrorum naturam, antequam ad rerum aspectabilium considerationem deveniamus, fuscæ, & dilucide, quantum humanæ patitur rationis infirmitas, contemplabimur. Quumque nulla cognitio, ut ait eximius quidam Philosophus (x), utilior sit, aut magis necessaria, hominis scientia, eam ceteris æquum

(u)

*Du Hamel
in Præf. ad
Metaphys. l. 3.*

(x)

*Autor libri;
De inquiren-
da veritate;
in Præfatione
ad primum
librum.*

æquum est antecedere; ne illos videamur imitari, qui dum ea, quæ foris sunt, curiosius perscrutantur, rei domesticæ curam interim despiciatui habent, quidque in propria domo agatur, ignorant.

Metaphysicis Ethicæ subnectimus, quæ priorem philosophici curriculi annum absolvet. In hac quæ sint hominum, tum erga Deum, tum erga Patriam, tum in reliquos homines, officia declarabuntur; atque ea præ ceteris, quæ ad optimam vitæ institutionem, præsertim in viro ingenuo, illustri loco nato, atque ad aliorum regimen destinato, imprimis sunt necessaria, prodentur. Hanc Philosophiæ partem tanti facere veteres consuevere, ut perfectus, omnibusque numeris absolutus Philosophus haberetur, qui vel soli morum scientiæ operam dedisset. Hinc Socratem laudat Varro apud Tullium (y) quod Philosophiam *primus a rebus occultis, & ab ipsa natura involutis, in quibus omnes ante eum Philosophi occupati fuerunt, avocaverit, & ad vitam communem adduxerit; ut de virtutibus, & vitiis, omninoque de rebus bonis, & malis quæreretur*. Stratonem vero Theophrasti auditorem reprehendit, quod *maxime necessariam partem Philosophiæ, quæ posita est in virtute, & moribus, reliquerit, totumque se ad investigationem naturæ contulerit*.

Po-

(y)
Acad. 1.

mine Postremo loco omnium mole maxi-
 mā, & uberrimam, cognitionum varietate
 jucundissimam, utilitate tamen ceteris
 concedentem, Physicam, seu naturalem
 scientiam docebimus; in qua ea omnia,
 quæ variorum experimentorum opere de-
 texit recentiorum Philosophorum indu-
 stria, minime negligemus; ipsique Geo-
 metriam adjungemus. Etenim quum
 facultas hæc a natura maximis sibi tene-
 bris involuta, ab experimentis, & Ma-
 thesi, quæ ipsi perquam affinis est, auxi-
 lium adeo exposcere debet, ut nihil cer-
 ti sit in tota Physica, quod experimentis,
 & geometricæ argumentationi non sit re-
 ferendum acceptum. Porro eorum be-
 neficio, tot obfirmati in hominū menti-
 bus errores revulsi sūt, totque ad vitam
 commodā inuenta, ut ii, qui nec a la-
 bore, nec a gravioribus expensis absti-
 nentes, vel nova intulere experimenta
 naturalem scientiam illustrantia, vel Geo-
 metriæ theōreticæ ad naturæ arcana
 condita ap̄rienda viam sibi paraverunt,
 quos inter Guerrickius, Boilæus, Huga-
 nius, Harvæus, & postremo Isaacus New-
 tonus, æternū sibi insipientum viro-
 rum memoria, nomenū comparaverint.
 Mirum itaque non est, vetēres Philoso-
 phos in gymnasiorum suorum limine,
Nemo huc pedem inferat nisi Geometres,
 inscripsisse; nam sine Geometria maxima

-11111

Phy

tumque omnium assequutionem; nobis
adjumento esse possit. Quandoquidem
vitia animo expellere, atque omnibus
liberali viro, ingenueque instituto dignis
virtutibus formare, ita proprium est Philo-
sophiæ, ut ea de causa nulla ipsius
pars, si Tullio credimus, (2) virtutis no-
mine, ac munere vacare censenda sit.

(2)

*De finibus
lib. 3. in fine.*

Ad hujus itaque nobilissimæ disci-
plinæ studium non est cur vos horter;
Adolescentes lectissimi; quum enim eo
sitis loco nati, ita liberaliter educati, ea-
que animi indole præditi, ut non dicam
sponte, sed etiam natura ipsa, ac quodam
veluti instinctu, qui nobilissimo cuique
videtur esse congenitus, ad omne id,
quod honestum, optimumve sit, quod-
que recti formari præferat, ducamini;
jam ad Philosophiam adipiscendam, quod
idem est, atque ad virtutis amorem, ma-
gis incensos vos video, quam ut ulla mei
exhortatione indigeatis. Itaque id unum
monebo, quum id maxime appetant ho-
mines, ut feliciter, beateque vivant, nihil
autem melius, nihil magis expetendum,
nihil præstantius honoribus, divitiis, &
populari gloria vulgo existimetur, hanc
opinionis pravitatem, qua plane infici-
mur, atque ab optima natura desciscimus,
esse omnino abjiciendam. Id vero præ-
stabitis, si honorum extremum, quo om-
nia bene vivendi præcepta referantur,

non

non in bonis corporis ; non in rerum affluentia ; non in gloria adumbrata quadam imagine, non denique in generis nobilitate a virtute sejuncta, constituendum esse intellexeritis, in quo sane totius philosophici studii summa consistit ; idque ideo alte animo vobis est infigendum , ut veram illam honestatem expetatis , quam unam natura summopere exoptat, atque ad eum vitæ finem , qui omnibus ratione bene utentibus est propositus , optimum scilicet , & beatissimum , possitis pervenire .

Neque enim alia de causa hoc optimarum artium Domicilium constituit singularis erga vos CAROLI VI. Romanorum Imperatoris benevolentia ; non alia Viri nobilissimi summa animi integritate, aque ac in vos studio , & caritate prestantes , de vestris animi ornamentis adeo sunt solliciti ; non alia denique Parentes optimi vobis heic degentibus, quos carissimos habent , quodammodo carere ad tempus ferunt , quam ut præ cæteris disciplinis, quæ vos honestare possint , ea potissimum imbuamini , cujus ope viros optimos , honestatis amatores , bonis moribus exornatos , singulari judicio , ac prudentia , quum in publicis negotiis , tum in privatis obeundis , instructos , virtutibus demum omnibus praeditos , donum reduces recipiant .

F I N I S.

